



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Illvstrissimi Viri Petri De Marca Archiepiscopi Parisiensis Dissertationvm De Concordia Sacerdotii Et Imperii, Sev De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

Armando-Ioanni Eminentissimo Cardinali Dvci De Richeliev, Franciæ Pari.

**urn:nbn:de:hbz:466:1-15591**

Epistola Babilonica

I

ARMANDO-IOANNI  
EMINENTISSIMO  
CARDINALI  
D V C I  
DE RICHELIEV,  
FRANCIÆ PARI.

**R**E M arduam aggredior, Eminentissime Cardinalis, Sacerdotij & Imperij Concordiam; quæ ab aliquot seculis adeo vexata est partium studiis, ut excitata ob violatos jurisdictionis ecclesiasticae & regiae terminos controversia in aperta quandoque bella eruperint, quæ funestissimis dissidiis Ecclesiae corpus lacerarunt. Civilius quidem agitur hodie; ita tamen ut frequentes & penè quotidiane in actu rerum positis occurrant contentiones, quæ secundum varias causarum figuras, ob dignitatem laesam, vel imminutam auctoritatem, accenduntur, & Christianæ Reipublicæ Principes inter se committunt. Enimvero quoniam non natura sed hominum vitio factum ut ambæ illæ potestates, quæ amico fœdere conjungi debuerant, in dedecus Christiani nominis aliquando divellantur abinvicem, utriusque dignitatis in te uno facta consensio certissimum est argumentum posse Eminentie tuæ operâ atque industriâ res ita componi, ut quæ dissidere videntur, in eam concordiam mutuo conspirent quæ à divino numine utriusque potestatis auctore decreta est. Dignum sanè facinus summa illa virtute tua, qua id affecutus es, ut Orbis Christiani fata temperes ea auctoritate quam pietati erga se tuæ Princeps gloriosissimus comulit. In ceteris quidem Administrationis tuæ momentis omnia supra fidem & ferè ad miraculum patrata sunt; seu quis provincias regni pacatas atque compositas, perduelles domitos, sanctitatem altaribus restitutam inspiciat, quam profana factiosorum scelera polluerant; seu quis recreatos socios atque fœderatos, prostratos hostes potentissimos, & ad implorandam pacem propemodum adactos contempletur. Quare in hac, quam arduam dixi, Sacerdotij & Imperij Concordia, omnia supra votum cessura, te auspice & auctore, prohi omnes sibi pollicentur, vel eo præcipuè nomine, quòd ardua sint, & ferè conclamata. Ceterorum mortalium circumscripta virtus rerum mole subsidit, difficultatibus frangitur; sed divinæ menti tuæ, quam meritò Prudentiæ & Fortitudinis veluti familiarem Genium appellare licet, concessum est inexpectata perficere, ut seculum nostrum & posteris immortalibus beneficiis cumules. Tibi namque Deus Optimus

â

## Epistola Dedicatoria.

Maximus, ut daret aliquod potentiae suae & bonitatis specimen, adimplenda reservavit quae denegavit ceteris, ut nos imbecillitatis humane admoneret. Ego quidem, Eminentissime Cardinalis, utriusque potestatis consensionem, quam in ipsis rerum argumentis violatam aliquando perspiciebam, studiosè optavi, efflagitavi. Et quia hoc Tuae Eminentiae propositum esse intellexi ut ratio quadam iniretur ad conciliandam atendamque Sacerdotij & Imperij societatem, aliquot Dissertationibus elucubratis in eam operam incubui. Ingens profectò ad placendum eruditiss quibusque & piis hominibus illecebra, quòd ille optatam à te concordiam attingunt; sed operis dignitas ingenij mei tenuitate atque penuria eruditionis deteritur. Hoc quidem censura obnoxium, quam non exoro: eam tantisper sustineri peto, donec Eminentis Tuae judicio hæc qualescunque Exercitationes vel stent, vel cadant. Periclitarentur sanè apud eruditissimum pectus tuum, nisi humanitatis esset æquè ac totius divini humanique juris sacrarium. Illam itaque comitatem, qua unumquemque in summo illo dignitatis fastigio demeris, enixè obtestor ut hunc quoque conatum meum blandè excipias, vel ex eo capite, quòd tuo instituto aliqua ex parte obsequitur. Satis huic operi decoris accedet, si patiaris sub augusti nominis tui auspicio his Dissertationibus publicari consilia tua de Concordia Potestatum fovenda: quarum altera Purpuree suae te fecit participem, altera suae Administrationis summam in te deposuit. Mihi verò ad optatæ felicitatis incrementum nihil deerit, si hoc quoque beneficium à te impetravero, ut mihi devotissimo tui cultori liceat, exemplo veterum qui Principes viros imaginibus ex decreto collatis ornabant, hoc monumentum, velut Propositi tui quandam Imaginem, Eminentis Tuae ponere.

P. DE MARCA.

